

Na osnovu članka 34. i 38. Zakona o izvršavanju Proračuna Federacije Bosne i Hercegovine za 2013. godinu ("Službene novine Federacije BiH", broj 106/12), Vlada Federacije Bosne i Hercegovine, na 75. sjednici, održanoj 11.03.2013. godine, donosi

**ODLUKU**

**O USVAJANJU PROGRAMA UTROŠKA SREDSTAVA  
SA KRITERIJIMA RASPODJELE SREDSTAVA  
TEKUĆIH TRANSFERA UTVRĐENIH PRORAČUNOM  
FEDERACIJE BOSNE I HERCEGOVINE ZA 2013.  
GODINU FEDERALNOM MINISTARSTVU KULTURE I  
SPORTA - FEDERALNOM MINISTARSTVU KULTURE  
I ŠPORTA**

**I**

Usvajaju se Program i kriteriji raspodjele sredstava tekućih transfera Federalnog ministarstva kulture i sporta - Federalnog ministarstva kulture i športa (u daljnjem tekstu Ministarstva) utvrđenih u razdjelu 52. Proračuna Federacije Bosne i Hercegovine za 2012. godinu ("Službene novine Federacije BiH", broj 106/12).

**II**

Raspodjela sredstava tekućih transfera utvrđenih ovom odlukom vršit će se u skladu sa općim i posebnim kriterijima.  
Opći kriteriji utvrđuju se za svaki transfer posebno, a posebni kriteriji utvrđuju se za svaki transfer posebno ili za svaki pojedinačni program unutar transfera.

**III**

Raspodjela sredstava tekućih transfera vršit će se za programe i projekte kako slijedi:

## 1. Transfer za obnovu kulturnog i graditeljskog naslijeđa

### *Opći kriteriji za raspodjelu sredstava tekućeg transfera su:*

- kvalitet kandidiranih programa i projekata i njihov doprinos podizanju općeg nivoa u oblastima zaštite kulturnog i graditeljskog naslijeđa;
- doprinos uspješnom prezentiranju i afirmaciji Bosne i Hercegovine i Federacije Bosne i Hercegovine u svijetu;
- regionalna i nacionalna zastupljenost;
- sufinansiranje programa u oblastima zaštite kulturnog i graditeljskog naslijeđa, koji su podržani od strane drugih nivoa vlasti i imaju obezbijedeno sufinansiranje.

### *Posebni kriteriji za raspodjelu sredstava tekućeg transfera su:*

- nastavak i realizacija započetih projekata;
- vrijednost objekta (historijska, umjetnička, arhitektonska, kulturna, duhovna, prostorna);
- prioritet i neophodnost radova u skladu sa stanjem objekata koji imaju status nacionalnog spomenika Bosne i Hercegovine;
- zaštita i očuvanje pokretnih i nematerijalnih kulturno-historijskih dobara.

Br. 1	Naziv programa 2	Svrha programa 3	Organizacija - primalac 4	Iznos 5
1.	Izrada projekata i izvođenje radova za zaštitu javnih objekata kulturnog naslijeđa	Zaštita javnih objekata kulturnog naslijeđa	Institucije i vlasnici objekata zaduženi za realizaciju programa/projekata odabrani putem javnog poziva	50.000,00
2.	Izrada projekata i izvođenje radova za zaštitu sakralnih objekata kulturnog naslijeđa	Zaštita sakralnih objekata kulturnog naslijeđa	Institucije i vlasnici objekata zaduženi za realizaciju programa/projekata odabrani putem javnog poziva	170.000,00
3.	Izrada projekata zaštite nekropola sa stećcima i izvođenje radova za zaštitu starih gradova značajne kulturnog naslijeđa	Zaštita arheoloških područja - nekropola i starih gradova značajne kulturnog naslijeđa	Institucije i vlasnici objekata, zaduženi za realizaciju programa/projekata odabrani putem javnog poziva	150.000,00
4.	Izrada projekata i izvođenje radova za zaštitu stambenih objekata značajne kulturne baštine	Zaštita stambenih objekata značajne kulturne baštine	Stambeni kompleks Begovina u Stocu	150.000,00
5.	Zaštita pokretne i nematerijalne kulturno historijske baštine	Podrška muzejima i institucijama kulture koje imaju dugogodišnji kontinuitet i značaj a očuvanju pokretnih i nematerijalnih dobara	Institucije kulture kao nosioci projekata zaštite pokretnih dobara kulturne baštine u Federaciji BiH (Zemaljski muzej BiH. Umjetnička galerija BiH. Muzej književnosti i pozorišne	200.000,00

	kulturne baštine	umjetnosti BiH, Historijski muzej BiH, Nacionalna i univerzitetska biblioteka BiH. Biblioteka za slijepa i slabovidna lica BiH. Kinoteka BiH)	
6.	Programi međunarodne saradnje i organizacija manifestacije "Dani evropskog naslijeđa"	Organizacija manifestacije "Dani evropskog naslijeđa", saradnja s Vijećem Evrope.	institucije kulture kao nosioci projekata zaštite dobara kulture u Federaciji BiH 15.000,00
7.	Stručni monitoring objekata kulturnog naslijeđa i restauracija, telekiniranje arhivskog filmskog materijala	Zaštita spomeničke baštine na teritoriju FBiH	Nadležna institucija kulture kao nosilac projekta zaštite dobara kulturne baštine u Federaciji BiH 50.000,00 JIP "Filmski Centar Sarajevo" 15.000,00
8.	Interventna sredstva za provođenje hitnih mjera zaštite, programe, projekte i završetak započetih i ugovorenih radova	Projekti zaštite i obnove kulturnog naslijeđa	Korisnici sredstava iz kategorija od 1 do 7 120.000,00
UKUPNO			920.000,00

## **2. Transfer za kulturu od značaja za Federaciju**

### ***Opći kriteriji za raspodjelu sredstava tekućeg transfera su:***

- kvalitet kandidiranih projekata/programa produkcije, prezentacije i afirmacije kulturnog i umjetničkog stvaralaštva;
- doprinos kandidiranih projekata/programa podizanju općeg kulturnog nivoa građana;
- kontinuiranost projekta i njegova tradicijska osnova (projektne aktivnosti koje imaju dugoročni učinak i održivost);
- regionalna i nacionalna zastupljenost;
- doprinos angažiranju i afirmaciji mladih u oblasti kulture;
- visina procenata ulaganja u program/projekat od strane drugih nivoa vlasti, inozemnih ili domaćih partnera u kreiranju i realiziranju programa/projekata te sačinjeni predugovori.

### ***Posebni kriteriji za raspodjelu programa: Podrška manifestacijama, programima i projektima kulture od posebnog značaja za FBiH i BiH od internacionalnog***

***značaja, u okviru tekućeg transfera su:***

- značaj koji projekti i programi imaju u pogledu predstavljanja Federacije BiH i BiH kao eminentne kulturne sredine;
- programi koji obezbjeđuju kontinuitet produkcije internacionalno prihvaćenih umjetničkih dometa;
- značaj koji produkcija ima u razvoju kulture i umjetnosti u internacionalnim okvirima;
- projekti koji prezentiraju i promoviraju kulturu i umjetnost drugih naroda, odnosno, projekti koji jasno ističu značaj međunarodne kulturne saradnje;
- broj učesnika i posjetilaca koji su obuhvaćeni projektom/programom (domaći i inozemni učesnici i gosti);
- projekti koji podržavaju razmjenu i mobilnost umjetnika i umjetničkih djela visokog kvaliteta;
- obezbjeđivanje kontinuiteta manifestacija od posebnog značaja za ugled FBiH i BiH kao eminentne kulturne sredine u regionu i svijetu;
- manifestacije koje podržavaju koprodukciju umjetničkih djela visokog kvaliteta.

***Posebni kriteriji za raspodjelu programa; Podrška manifestacijama, programima i projektima kulture od značaja za FBiH, u okviru tekućeg transfera su:***

- značaj projekta/manifestacije, originalnost i njegov doprinos promoviranju i afirmiranju bh. kulturnog stvaralaštva i pristupa kulturi u Federaciji BiH;
- značaj programa za očuvanje i unapređenje kulturnog identiteta, kulturnog naslijeđa i kulturnog razvoja Federacije BiH;
- projekti koji potiču aktivno učešće i afirmiranje mladih umjetnika i stvaralaca;
- broj učesnika (aktivnih i pasivnih) koji su obuhvaćeni projektom/programom;
- obezbjeđivanje kontinuiteta manifestacija od posebnog značaja za ugled Federacije BiH kao eminentno kulturne sredine.

Br.	Naziv programa	Svrha programa	Organizacija-primalac	Iznos
1.	2.	3.	4.	5.
1.	Manifestacije, programi i projekti kulture od značaja za Federaciju Bosne i Hercegovine	Potporna manifestacijama, programima i projektima kulture od posebnog značaja za federaciju Bosne i Hercegovine i BiH od internacionalnog značaja	Kulturne institucije, organizacije, asocijacije i udruženja odabrana putem javnog poziva	990.000,00
		Potporna manifestacijama programima i projektima kulture od značaja za Federaciju Bosne i Hercegovine	Kulturne institucije, organizacije, asocijacije i udruženja odabrana putem javnog poziva	345.000,00
2.	Programi međunarodne saradnje i	Organizacija manifestacije" Dani evropskog naslijeđa",	Institucije kulture kao nosioci projekata zaštite dobara kulturne	15.000,00

organizacija manifestacije "Dani evropskog naslijeđa"	saradnja s Vijećem Evrope.	baštine u Federaciji BiH	
3. Interventna sredstva za programe kulture od značaja za FBiH	Potpoma programima kulture od značaja za Federaciju BiH	korisnici sredstava iz kategorija 1 i 2	150.000,00
UKUPNO:			1.500.000,00

### 3. Transfer za udruženja građana i organizacija u oblasti kulture

#### ***Opći kriteriji za raspodjelu sredstava tekućeg transfera su:***

- kvalitet kandidiranih projekata/programa i afirmacija kulturnog i umjetničkog stvaralaštva;
- doprinos kandidiranih projekata/programa podizanju općeg kulturnog nivoa građana u lokalnoj zajednici i društvu;
- potvrđen status i značaj kandidiranog projekta;
- regionalna i nacionalna zastupljenost;
- doprinos angažiranju i afirmaciji mladih u oblasti kulture;
- doprinos jačanju nacionalne i vjerske tolerancije.
- Podrška projektima udruženja i organizacija u oblasti kulture
- Podrška manifestacijama, programima i projektima u oblasti kulture

#### ***Posebni kriteriji za raspodjelu sredstava tekućeg transfera su:***

- interes kulturne javnosti, značaj za kulturni život lokalne zajednice i društva;
- značaj programa na domaćem i međunarodnom planu;
- poticanje razmjene, realizacija u kooperaciji ili koprodukciji;
- samoodrživost programa i projekata;
- broj aktivnih učesnika u projektu, naročito potvrđenih stručnjaka iz oblasti koju program/projekat predstavlja;
- kontinuitet kvalitetnog rada udruženja ili organizacije,
- priznanja i nagrade za dosadašnji rad;
- doprinos reafirmaciji i stvaranju autentičnog kulturno-historijskog naslijeđa Bosne i Hercegovine.

Br.	Naziv programa	Svrha programa	Organizacija-primalac	Iznos
1.	2.	3.	4.	5.
1.	Potpoma projektima udruženja i organizacija u oblasti kulture	Potpoma manifestacijama, programima i projektima u oblasti kulture	, asocijacije i udruženja odabrana putem javnog konkursa	300.000,00
2.	Interventna sredstva za programe udruženja u oblasti kulture	Potpoma manifestacijama, programima i projektima u oblasti kulture	korisnici sredstava iz kategorije 1	60.000,00

i organizacija u  
oblasti kulture  
UKUPNO:

360.000,00

#### **4. Transfer za sport od značaja za Federaciju**

##### ***Opći kriteriji za raspodjelu sredstava tekućeg transfera su:***

- kvalitet kandidiranih programa/projekata; dugogodišnji kontinuitet i značaj programa/projekata;
- doprinos popularizaciji i razvoju sporta;
- doprinos postizanju vrhunskih sportskih rezultata;
- doprinos omasovljavanju profesionalnog/amaterskog sporta;
- značaj projekta za afirmaciju i edukaciju mladih s ciljem razvoja sporta.

##### ***Posebni kriteriji za raspodjelu programa: Sufinanciranje izgradnje, rekonstrukcije i opremanja sportskih objekata, u okviru tekućeg transfera su:***

- značaj sportskog objekta za razvoj sporta i stvaranje uvjeta za sportsko-rekreativne aktivnosti i vrhunski sport;
- stanje objekta i neophodnost radova;
- obim korištenja objekta i broj korisnika;
- sportski objekat od općeg interesa u lokalnim zajednicama i šire.

##### ***Posebni kriteriji za raspodjelu programa: Sufinanciranje sportskih manifestacija koje se organiziraju u Federaciji BiH, i Sufinanciranje sportskih manifestacija na zvaničnim međunarodnim takmičenjima, u okviru tekućeg transfera su:***

- potpora manifestacijama i takmičenjima od posebnog interesa za FBiH;
- kontinuitet i značaj manifestacije s ciljem razvoja sporta;
- tradicionalne sportske manifestacije koje doprinose popularizaciji sporta u FBiH;
- podrška projektima koji doprinose podizanju kvaliteta i razvoja sporta u FBiH;
- obezbjeđenje kontinuiteta sportskih manifestacija od posebnog značaja za ugled FBiH.
- potpora projektima koji doprinose promociji vrhunskog sporta na zvaničnim međunarodnim takmičenjima;
- potpora projektima koji obezbjeđuju podsticanje vrhunskih sportskih rezultata;
- značaj projekta za razvoj sporta;
- značaj projekta za popularizaciju i afirmaciju sportskih ekipa na međunarodnom nivou.

##### ***Posebni kriteriji za raspodjelu programa: Nabavka sportske opreme za vaspitno-obrazovne, razvojne i edukacione programe a sportu za mlade, u okviru tekućeg***

**transfera su:**

- potpora sportskim ekipama s ciljem obezbjeđivanja uvjeta za razvoj amaterskog sporta;
- potpora projektima koji doprinose popularizaciji i razvoju sporta kod mladih;
- stvaranje uvjeta za razvoj sporta u FBiH;
- unapređenje rada sa mladim sportistima s ciljem postizanja vrhunskih sportskih rezultata.

**Posebni kriteriji za raspodjelu programa: Djelatnosti sportskih saveza konstituiranih na nivou BiH i FBiH, u okviru tekućeg transfera su:**

- potpora radu sportskih saveza s ciljem učestvovanja na međunarodnim takmičenjima;
- postignuti sportski rezultati u prethodnoj takmičarskoj sezoni;
- značaj projekta u promoviranju i predstavljanju BiH na međunarodnim sportskim takmičenjima;
- stvaranje uvjeta za podizanje kvalitete sporta i sportskih rezultata u BiH.

**Posebni kriteriji za raspodjelu programa: Sufinanciranje sportskih manifestacija i klubova u oblasti invalidskog sporta, u okviru tekućeg transfera su:**

- kontinuitet i značaj manifestacije s ciljem razvoja invalidskog sporta;
- potpora projektima koji obezbjeđuju podsticanje vrhunskih sportskih rezultata u invalidskom sportu;
- značaj projekta za popularizaciju i afirmaciju sportskih ekipa na međunarodnom nivou;
- potpora projektima koji obezbjeđuju podsticanje vrhunskih sportskih rezultata.

Br.	Naziv programa	Svrha programa	Organizacija- primalac	Iznos
1	2	3	4	5
1.	Sufinanciranje izgradnje, rekonstrukcije i opremanja sportskih objekata	Potpura izgradnji, rekonstrukciji i opremanju sportskih objekata s ciljem stvaranja preduvjeta za razvoj sporta rekreacije građana	Sportske organizacije, asocijacije, institucije, klubovi, savezi i udruženja odabrani putem javnog poziva	550.000,00
2.	Sufinanciranje sportskih manifestacija koje se organiziraju u Federaciji BiH i sufinansiranje sportskih manifestacija na zvaničnim	Pomoć sportskim organizacijama i asocijacijama u organizaciji sportskih manifestacija, koje doprinose popularizaciji i razvoju sporta u Federaciji BiH i podrška učešću klubova iz	Sportske organizacije, asocijacije, institucije, klubovi, savezi i udruženja odabrani putem javnog poziva	350.000.00

	neđunarodnim takmičenjima	Federacije BiH na zvaničnim međunarodnim takmičenjima, KUP-ovi. šampiona Evrope itd.		
3.	Nabavka sportske opreme za vaspitno-obrazovne, razvojne i edukacione programe u sportu za mlade	Potpoma vaspitnim i edukacionim programima koji doprinose očuvanju zdravlja i vaspitanja mladih	Klubovi, sportski savezi, škole i institucije u oblasti sporta i obrazovanja odabrani putem javnog poziva koji će biti otvoren za ovu kategoriju do kraja 2013. godine	110.000,00
4.	Djelatnosti sportskih saveza konstituiranih na nivou BiH i FBiH	Potpoma aktivnostima sportskih saveza	Sportski savezi registrirani na nivou BiH i FBiH, odabrani putem javnog poziva	215.000,00
5.	Sufinanciranje sportskih manifestacija i klubova u oblasti invalidskog sporta	Pomoć sportskim organizacijama i asocijacijama u organizaciji sportskih manifestacija, koje doprinose popularizaciji i razvoju invalidskog sporta u Federaciji BiH	Sportske organizacije, asocijacije, institucije, klubovi, savezi i udruženja u oblasti invalidskog sporta odabrani putem javnog poziva	20.000,00
6.	Nagrađivanje sportista u skladu sa Uredbom o određivanju kriterija za dodjeljivanje nagrade sportistima, sportskim radnicima i sportskim udruženjima iz FBiH za ostvarene sportske rezultate na međunarodnim takmičenjima	Nagrađivanje sportista za ostvarene sportske rezultate	Sportska udruženja, sportski radnici i sportisti koji ostvare vrhunske sportske rezultate	60.000,00
7.	Pripreme za odlazak olimpijaca BiH na Mediteranske igre Mersin 2013.	Potpoma odlasku olimpijaca BiH na Mediteranske igre	Olimpijski komitet BiH	40.000,00
8.	Pripreme sportista invalida za Zimske parolimpijske igre i aktivnosti u 2013, godini	Potpoma odlasku paraolimpijaca BiH na parolimpijske igre i podrška aktivnostima u 2013, godini	Paraolimpijski komitet BiH	15.000,00
9.	Interventna sredstva	Podrška programima i	Korisnici sredstava	140.000,00



rezerve za projekte i programe u oblasti sporta	projektima u oblasti sporta	iz kategorija od 1 do 8	1.500.000,00
UKUPNO			

## 5. Transfer za mlade

### ***Opći kriteriji za raspodjelu sredstava tekućeg transfera su:***

- kvalitet kandidiranih programa/projekata;
- značaj projekta za mlade u Federaciji BiH;
- doprinos popularizaciji i razvoju omladinskog aktivizma;
- regionalna i nacionalna zastupljenost;
- doprinos unapređenju položaja mladih u Federaciji BiH;
- poboljšanje položaja društveno osjetljivih kategorija mladih osoba.

### ***Posebni kriteriji za raspodjelu programa: Istraživanje, formiranje i promoviranje politika prema mladima u FBiH, u okviru tekućeg transfera su:***

- obim, kvalitet i struktura istraživanja;
- reference aplikanta i dosadašnje iskustvo u radu s mladima;
- stručnost lica angažiranih na projektu;
- vremenski rok provođenja aktivnosti;
- osigurano partnerstvo s drugim nivoima vlasti i međunarodnim organizacijama;
- učinci projekta za mlade u FBiH.

Posebni kriteriji za raspodjelu programa Potpora projektima omladinskih organizacija, u okviru tekućeg transfera su:

- kvalitet projekta/programa;
- broj učesnika (direktnih/indirektnih) koji su uključeni u projekat;
- značaj projekta za veću društvenu uključenost mladih u život lokalne zajednice;
- jačanje kapaciteta omladinskih organizacija s ciljem formiranja Vijeća mladih FBiH;
- izgradnja i jačanje razvoja sposobnosti kod mladih.

Br.	Naziv programa	Svrha programa	Organizacija-primalac	Iznos
1.	2.	3.	4.	5.
1.	Istraživanje, formiranje i promoviranje politika prema mladima u FBiH	Harmonizovanje politika FbiH prema mladima; jačanje organizacionih kapaciteta nosioca omladinske politike u FBiH i njihovo promoviranje među mladima	Institucije, organizacije i udruženja odabrana putem javnog poziva	40.000,00
2.	Podrška projektima	Institucionalno jačanje i	Institucije,	100.000,00

	omladinskih organizacija	povezivanje omladinskih udruženja; poboljšanje položaja mladih	organizacije i udruženja odabrana putem javnog poziva	
3.	Programi međunarodne saradnje i organizacija manifestacije "Dani evropskog naslijeđa"	Program "Mladi i naslijeđe"	Institucije kulture kao nosioci projekata zaštite dobara kulturne baštine u Federaciji BiH	10.000,00
4.	Interventna sredstva za programe udruženja omladinskih organizacija	Potporna programima i projektima vezanim za mlade	Korisnici sredstava iz kategorije 1 do 3	50.000,00
UKUPNO:				200.000,00

#### IV

Sredstva iz točke III podtočka 1. pod rednim brojem 1, 2 i 3, točke III podtočka 2. pod rednim brojem 1, iz točke III podtočka 3. pod rednim brojem 1, iz točke III podtočka 4. pod rednim brojem 1, 2, 3, 4 i 5 i iz točke III podtočka 5. pod rednim brojem 1 i 2 ove odluke dodijelit će se na osnovu javnog poziva kojeg raspisuje federalni ministar kulture i sporta.

#### V

Sukladno sa ovom odlukom, pojedinačne odluke o dodjeli sredstava korisnicima u svim navedenim transferima, donosi federalni ministar kulture i sporta.

#### VI

Korisnici sredstava su obavezni da dodijeljena sredstva koriste namjenski i da dostave izvješće sa kompletnom dokumentacijom kojom se dokazuje namjenski utrošak sredstava u roku od 15 dana od dana završetka projekta/programa. Ukoliko u toku 2013. godine sva odobrena sredstva ne budu utrošena, korisnik

sredstava dostavlja izvješće o utrošku dijela sredstava i kopiju izvoda iz banke kojom se potvrđuje da preostala sredstva nisu utrošena, i to do 15.01. naredne godine.

## VII

Komisija Ministarstva za nadzor nad namjenskim utroškom sredstava, vršit će kontrolu namjenskog utroška odobrenih sredstava korisnicima. Komisija će kontrolu vršiti na osnovu dostavljenih izvješća od strane korisnika, a po potrebi, i neposredno kod korisnika sredstava.

## VIII

Ova odluka stupa na snagu narednog dana od dana objavljivanja u "Službenim novinama Federacije BiH".

V broj 168/2013  
11. marta/ožujka 2013. godine  
Sarajevo

Premijer  
Nermin Nikšić, s. r.